

REXISTRO XERAL DA XUNTA DE GALICIA
REXISTRO ELECTRÓNICO

Data 28/05/2019 11:20:17

SAÍDA 380162 / RX 792177



RESOLUCIÓN DE SOLICITUDE DE ACCESO Á INFORMACIÓN PÚBLICA

Con data do 25/04/2019 tivo entrada no rexistro electrónico da Xunta de Galicia, solicitude de acceso á información pública ao abeiro da Lei 19/2013, do 9 de decembro, de transparencia, acceso á información pública e bo goberno e do artigo 26 da Lei 1/2016, do 18 de xaneiro, de transparencia e bo goberno; solicitude que quedou rexistrada co número 2019/925732 e que foi presentada por . en nome e representación de

Ese mesmo día recibíuse na Axencia Turismo de Galicia a referida solicitude de información pública; data a partir da cal empeza a contar o prazo dun mes para a súa resolución, segundo o previsto no artigo 20.1 da Lei 19/2013, do 9 de decembro e no artigo 27.4 da Lei 1/2016, do 18 de xaneiro, de transparencia e bo goberno.

De acordo cos artigos 19.3 da citada Lei 19/2013 e 27.2 da Lei 1/2016, do 18 de xaneiro, se a información solicitada pode afectar a dereitos ou intereses de terceiros, debidamente identificados, concederáselles un prazo de quince días para que poidan realizar as alegacións que consideren oportunas.

Unha vez analizada a solicitude, esta Axencia considerou que incorría no suposto establecido no parágrafo precedente, xa que o obxecto da solicitude de información pública consistía no acceso á solicitude de subvención presentada por ao abeiro da Resolución da Axencia Turismo de Galicia do 29 de decembro de 2017, pola que se aproban as bases reguladoras para a concesión, en réxime de concorrencia competitiva, de subvencións á cooperación entre pequenos operadores turísticos para organizar procesos de traballo conxunto e compartir instalacións e recursos, así como para o desenvolvemento e a comercialización do turismo, cofinanciadas co Fondo Europeo Agrícola de Desenvolvemento Rural (Feader) no marco do PDR de Galicia 2014-2020: razón pola cal, mediante notificación efectuada o 08/05/2019, procedeuse a conceder trámite de alegacións a .

Mediante escrito que tivo entrada nesta Axencia o 14/05/2019, presentou alegacións á solicitude de información pública formulada por

nas que aducía, en síntese, que era ela quen ostentaba os dereitos de autor e a propiedade





intelectual (proyecto presentado para a solicitude de subvención), e que como tal así consta no Rexistro Xeral da Propiedade Intelectual

Segundo o artigo 14 da Lei 19/2013, do 9 de decembro, *“o segredo profesional e a propiedade intelectual e industrial”* constitúen un límite ao dereito de acceso á información pública.

En consecuencia, **concédese o acceso á información pública comprensiva da solicitude da subvención presentada por** _____ **e denégase o acceso á información pública no relativo ao proxecto** _____ **ao estar amparado por un dereito de propiedade intelectual.**

Contra a presente resolución, que pon fin á vía administrativa, poderase interpoñer recurso contencioso-administrativo perante os xulgados do contencioso-administrativo de Santiago de Compostela, no prazo de dous meses ou, previa e potestativamente, reclamación ante o Valedor do Pobo no prazo dun mes; en ambos os dous casos o prazo contarase desde o día seguinte ao da notificación da presente resolución.

Santiago de Compostela, data da sinatura dixital

A directora de Turismo de Galicia

M^a Nava Castro Domínguez

